

SCRIPT OF MORNING GOJRI NEWS BULLETIN 27MAR 2025 1015HRS

مارننگ گوجری نیوز بولٹن 27 مارچ 2025

یوہ آکاشوانی جموں ہے محمد اکرم تیں خبر سُنو۔

CS IT SERVICES

چیف سیکرٹری اٹل ڈلو نے جموں کشمیر مانہ آئی ٹی خدمات تے بنیادی ڈھانچہ گو جائیزو لیتا وائ متعلقہ محکمان نانہ مصنوعی ذہانت جغرافیائی اطلاعات بارے سسٹم تے ۳ انتظامیہ گا قیام واسطے اقدامات شروع کرن گی ہدایت جاری کی انہاں نے محکمہ ور زور دتو کہ وے انہاں نے محکمہ ور زور دتو کہ وے برقی تے مَلوَماَت تحکیک گی وزارت غی مدد نال جیک جی اے گے تحت فضیلت گو مرکز قائم کرن واسطے ضروری خاکو تیار کریں چیف سیکرٹری نے جموں تے سرینگر مانہ آئی ٹی پارک تیار کرن ور پیش رفت گو وی جائیزو لیتو ہے انہاں نے محکمہ نانہ اس واسطے مناسب بنیادی ڈھانچو گی نساندہی کرن واسطے کیو تاکہ اس مانہ زیادہ دیر نہ ہوسکے۔

CS SASB DOCTORS

ٹیف سیکرٹری اٹل ڈلو نے کل ۰۱ ریاستاں تے مرکز گے زیر انتظام علاقاس گاصحت سیکرٹری نال ایک اہم میٹنگ کی۔ جس مانہ اُن نے جموں کشمیر مانہ امرناتھ جی یاترہ ور جان آلو یاتریاں گا حق مانہ لازمی صحت گا سرتفکیٹ جاری کرن واسطے ڈاکٹران گی مناسب تعداد نانہ نامزد کرن گو کیو چیف سیکرٹری نے محکمہ صحت نانہ ہدایت کی کہ وے یاترہ ور جان گو ادارو رکھن آلا یاتریاں گا حق مانہ صحت جاری کرن واسطے متعلقہ ریاستاں گا نامزد ڈاکٹران نال حساسیت گو پشن منعقد کریں انہاں نے کہیو جے اس طرح گی مشق نال اُننانہ محفوظ یاترہ واسطے کسے وی شخص گی ضرورت نانہ بہتر طور سمجھن مانہ مدد ملے گی۔ انہاں نے سیکرٹریاں نانہ کہیو جے وے صحت گی سہولیات مانہ ڈاکٹران گی مصولیت نانہ مزید یقینی بناویں جہیڑی اس علاقہ مانہ ان الا یاتریاں گی تعداد گے مطابق وے انہاں نے کہیو جے اس نال طبی جانچ کی جے گی جس نال جاناں گی حفاظت نانہ یقینی بناویں جاسکے گو انہاں نے کہیو جے یو ٹی سرکار یاتریاں واسطے بہتر سہولیات حفاظت تے آسن یاترہ کریا جان گا وعدہ گی پابند ہے لیفٹیننٹ گورنر گا پرنسپل سیکرٹری داکٹر مندیپ کمار بندی جہیڑا امرناتھ یاترہ بورڈ گا سی ای او وی ہیں نے مشورو دتو ہے جے داکٹران نانہ اُنکا سرکاری عہدہ گے مطابق نامزد کیو جے جن نانہ اپنا نام پتہ تے نیشنل میڈیکل کمیشن رجسٹریشن نمبر گینال صحت ور دستخط کرن گی ضرورت ہے واضع رہ جے یاترہ ۵۲۰۲ واسطے رجسٹریشن اپریل ۴۱ توں بینکاں گے زریعے شروع ہو رہی ہے جس مانہ آنلائن تے آف لائن دوئے طریقہ استعمال کیا جا سکیں گا۔

TULIP GARDEN

ایشیاء گا سب توں برا ٹولپ گارڈن مانہ کل افتتاحی تہاڑہ مقامی قومی تے اعلیٰ درجہ گا سیاحاں گو زبردست ردعمل دیکھیو گیو ہے کل افتتاح توں بعد باغ نے اپنی تاریخ مانہ اک نوو معیار قائم کرتا وائ ۷۱ ہزار ۲ سو ۴۵ سیاحاں گو بے مثال مشاہدو کیو ہے ایک سرکاری بیان مانہ محکمہ گا شاندار افتتاح ور زبردست ردعمل واسطے عام لوکاں بالخصوص قومی بین

العقوامی سیاحان گو شکر یو ادا کیو محکمہ نے دویزن ضلعی انتظامیہ جموں کشمیر پولیس سرینگر میونسپل کارپوریشن تے دیگر متعلقہ ایجنسیاں گا تعاون گو وی اعتراف کیو واضر رہ جے ۱ اشاریہ ۰۷ ملینتوں زیادہ ٹولپ مکمل کھلیا وا ہیں۔ محکمہ نے اس شاندار باغ گی خوبصورتی تے رونق نانہ بدھان واسطے عزم نانہ دوہرایو ہے۔

SATISH DOGRA CULTURE

وزیر برائے خوارک شہری رسدات صارف امور نوجوانان تے کھیڈ بارے وزیر ستیش شرما نے باغ بابو جموں مانہ ۵۲۰۲ غا ڈوگری کلندر گو اجرا کیو اس موقع ور انہاں نے دوگرہ ثقافت تے جموں غی تاریخی اہمیت نانہ اُجاگر کرتا واں کہیو کہ جموں مہاراں جاں غی سرزمین ہے تے اس گو شاندار ماضی ماری پہچان ہے انہاں نے کیلنڈر غی تعریف کرتا واں کہیو کہ یاہ صرف ایک تصویری مجموعہ نی ہے بلکہ ماری ثقافتی شناخت تے تاریخ نانہ زندہ رکھن غو ایک ذریعو ہے وزیر نے جموں گا تاریخی ورثہ غی حفاظت ور زور دیتا واں کہیو کہ یے یادگار صرف پتھراں غی عمارت نہیں بلکہ ماری تاریخی جدوجہد تے کامیابیاں غی علامت ہے۔

SATISH YOUTHS

وزیر برائے خوارک شہری رسدات صارف امور نوجوانان تے کھیڈ بارے وزیر ستیش شرما نے شری رنبیر ماڈل ہائر سکینڈری سکول غو دورو کیو جہیڑو ۲۷۸۱ مانہ مہاراجا رنبیر سنگھ نے قائم کیو تھو وزیر نے تعلیمی ترقی غی اہمیت ور زور دیتا واں کہیو کہ ایک مضبوط تعلیمی بنیاد ہی ایک اچھو تے ترقی یافتہ معاشرہ غی تشکیل مانہ مدد کرے۔ انہاں نے طلبہ نانہ نمبران غے بجائے عمل مہارتاں سیکھن تے پیشہ وارانہ کورسز اختیار کرن غو مشورو دتو تانجے وہ بہتر روز گار حاصل کرسکیں وزیر نے سول گا پرنسپل نانہ یقین دوايو کہ کھلایا جیم غی مرمت تے بہتری نالے ٹرانوپسٹ سہولیات سمیت دیگر مطالبات ور گور کیو جے گو۔ اس موقع ور انہاں نے سکول گا پراسپیکٹس غو اجزاء کیو تے ایک رُدراکش غو پودو لاغے ماحول غا تھفظ واسطے اپنا عزم غو اظہار کیو۔

HOLIDAY CANCELLED

جموں کشمیر سرکار نے سب صدر غی چھٹی نانہ ۷۲ مارچ گے بجائے ۸۲ مارچ نانہ کردتو ہے واضع رہ جے ایک سرکاری محکمہ نامہ غے مطابق کیو گيو ہے جے شب قدر گی چٹھی ہُن ۸۲ مارچ بروز جمع نانہ وے گی۔ جہیڑی پہلاں ۷۲ مارچ نانہ رکھی گئی تھی۔
